

Javna ustanova „Srednja škola metalških zanimanja“ Sarajevo
Ul.Zmaja od Bosne br.8.
71000 Sarajevo

Na osnovu člana 143. Zakona o srednjem obrazovanju ("Službene novine Kantona Sarajevo" br. 23/17 i 30/19), člana 7. Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18), člana 153. Pravila Javne ustanove „Srednja škola metalških zanimanja“ Sarajevo i Odluke Školskog odbora, broj: 01-484/21 od 14.04.2021. godine r a s p i s u j e s e

JAVNI KONKURS ZA IZBOR DIREKTORA

JAVNE USTANOVE SREDNJA ŠKOLA METALŠKIH ZANIMANJA, SARAJEVO

Raspisuje se javni konkurs za izbor direktora Javne ustanove „Srednja škola metalških zanimanja“ Sarajevo na mandatni period od četiri godine.

I USLOVI ZA IZBOR

Kandidat za direktora dužan je ispunjavati sljedeće opšte i posebne uslove:

1.Opšti uslovi:

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona), u periodu od tri godine od dana prijavljivanja na javni konkurs;
- b) da se na njega ne odnosi član IX stav 1. Ustava Bosne i Hercegovine;
- c) da nije osuđivan za krivično djelo i za privredni prestup nespojiv sa obavljanjem dužnosti direktora škole;
- d) da nema privatni finansijski interes u JU „Srednja škola metalških zanimanja“ Sarajevo

2. Posebni uslovi:

- a) da ispunjava uslove za nastavnika ili pedagoga u školi u koju konkuriše;
- b) da ima najmanje osam (8) godina radnog iskustva i od toga najmanje 5 godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto.Potrebno radno iskustvo podrazumijeva rad u nastavi sa VII stepenom stručne spreme, odnosno završenim najmanje II ciklusom bolonjskog visokoobrazovnog procesa;
- c) da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa;
- d) da ima najmanje zvanje mentor;

II SADRŽAJ PRIJAVE

Kandidati su dužni dostaviti sljedeću dokumentaciju (original ili ovjerena fotokopija):

1. Svojeručno potpisanu prijavu na javni konkurs, sa kontakt podacima (adresa stanovanja, broj telefona i e-mail adresa) i tačno navedenom dokumentacijom koja se prilaže na javni konkurs;
2. Biografiju (CV);
3. Diplomu o stečenoj stručnoj spremi;
4. Uvjerenje o položenom stručnom ispitu;
5. Dokaz o sticanju stručnog zvanja (najmanje zvanje mentor);
6. Dokaz o radnom iskustvu koje podrazumijeva rad u nastavi sa VII stepenom stručne spreme, odnosno završenim najmanje II ciklusom bolonjskog visokoobrazovnog procesa;

7. Izvod iz matične knjige rođenih;
8. Uvjerenje o državljanstvu (ne starije od 6 mjeseci);
9. Uvjerenje (koje izdaje nadležni sud) da nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona FBiH može izreći kazna zatvora u trajanju od tri mjeseca i više (ne starije od 3 mjeseca);
10. Izjava kandidata ovjerena od strane nadležnog organa da nije obuhvaćen odredbom člana IX stav 1 Ustava Bosne i Hercegovine;
11. Izjava kandidata ovjerena od strane nadležnog organa da u posljednje tri godine od dana prijavljivanja na Javni konkurs nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini;
12. Izjava kandidata ovjerena od strane nadležnog organa da nema privatni finansijski interes u JU „Srednja škola metalških zanimanja“ Sarajevo;
13. Izjava kandidata ovjerena od strane nadležnog organa da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u FBiH i Zakonom o Ministarskim, vladinim i drugim imenovanjima FBiH;
14. Izjava kandidata ovjerena od strane nadležnog organa da nije osuđivan za krivično djelo i za privredni prestup nespojiv sa obavljanjem dužnosti direktora škole;
15. Pisani razvojni plan i program Javne ustanove „Srednja škola metalških zanimanja“ Sarajevo za mandatni period.

Kriteriji, procedure, uslovi, način izbora i imenovanja direktora po ovom Javnom konkursu utvrđeni su Pravilnikom o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18).

III DOSTAVA PRIJAVE I TRAŽENIH DOKAZA

Prijave sa dokazima o ispunjavanju uslova Javnog konkursa dostaviti najkasnije sa danom 01.05.2021.godine poštom preporučeno ili u zatvorenoj koverti na protokol škole, na adresu:

Javna ustanova „Srednja škola metalških zanimanja“ , Sarajevo

ul. Zmaja od Bosne br.8.

71000 Sarajevo

sa naznakom

„Prijava na javni konkurs za izbor direktora - ne otvaraj (Otvara Školski odbor)“.

IV NAČIN I ROK OBAVJEŠTAVANJA

Školski odbor će pismenim putem obavjestiti sve kandidate koji su se prijavili na konkurs o Odluci o imenovanju direktora, u roku od 8 (osam) dana od dana donošenja odluke.

V KONKURSNI ROK

Konkurs ostaje otvoren 15 (petnaest) dana od objavljivanja.

Konkurs će biti objavljen na web stranici Ministarstva za odgoj i obrazovanje Kantona Sarajevo i u dnevnom listu „Oslobođenje“ dana 16.04.2021. godine.

Nepotpune i neblagovremene prijave neće se uzeti u razmatranje. Kandidat koji bude izabran, dužan je prije preuzimanja dužnosti dostaviti uvjerenje o zdravstvenoj sposobnosti izdato od nadležne zdravstvene ustanove, a koje nije starije od šest mjeseci.

Izabrani kandidat će ljekarsko uvjerenje i ovjerenu izjavu kod nadležnog organa da ispunjava uvjete utvrđene članom 146. stav 12. tačka a). i b) Zakona o srednjem obrazovanju („Službene novine Kantona Sarajevo“ broj: 23/17 i 30/19) biti obavezan dostaviti po izboru, a prije imenovanja na funkciju direktora Javne ustanove „Srednja škola metalskih zanimanja“ Sarajevo.

Učesnik konkursa koji je nezadovoljan odlukom o izboru direktora ima pravo pokrenuti upravni spor pred nadležnim sudom.

Izrazi koji se koriste u ovom konkursu, a imaju rodno značenje, odnose se jednako na muški i na ženski rod.